

Malirittu cu i 'nnaca e cu ci tirò i peri Nu ' ci criru.

Menu mali ca tanticchia ri murudda ti quagghiò.

Sentì, senti, è 'nuitili ca ti lamenti, iai vogghìa ri scrivillu e dillu comu voi, iai ragioni, si e siti a menza a mmedda. Ti rugnu cunferma iù ca sugnu a soru cchiù rranni ri chidda ca canuscisti tempu fa e già tu rissi nta tutti i maneri ma tu ti nnifuttisti. Si sugnu iù, SPIRANZA, chidda ca campa ancora e nu' pò moriri fina ca existi n 'omunu supira ssà terra. Nuddu arrinesci a farimi moriri, a facci ri iddi.

Sunu tanti i cosi ca si riciunu ri mia, forsi iè u mumentu ca ti spiegu megghiu cu sugnu.

Anzamai ti par i ca aviri spiranza significa stariti che manu conzetti assittatu aspittannu senza fari nenti?

Va ta smoviri!

Sulu raccussì, pajannu u pizzu cu sururi, tempu e travagghiu, pò sapiri chi significa spiranza.

Ta rioggi dda sturiella ca ti cuntaru? Si chissà!

Pi ssì e ppi nò ta ricuntu: 'N gnornu Gesù Cristu passava cu l'apostuli. Sintennu vuci s'awicinaru e vistunu ca uno a vò carutu rintra 'n fossu e stava assittatu ricennu, " mmà facemu a voluntà ri Diu "

Sintennu raccussì, Pettru si pattiu pi scinniri nto fossu paiutallu, u Cristu u fimmò e all' apostuli cci rissi ri cuntinuari, tantu chiddu stava facennu a voluntà ri Diu.

Caminannu caminannu 'ntisunu a coccarunu jttari vuci e s' avvicinaru pi sentiri megghiu.

Agghiri dda, vistunu unu ca smaniava circannu r'arrampicarisi nta pareti ro fossu unni a vò carutu, senza riniscirici, e, 'ncazzatu niuru, ca raggia, bistimmiava comu 'n turcu. Sintennu accussì u Sabbaturi rissi a Pettru: "pi fuvare figghiu miu a cchistu aiutamulu, u viri comu 'u sta facennu divintari a ma Pattri, prestu prima ca u scinni 'nterra ". A capitu chi cosa voli riri?

Aiutiti ca Diu t'aiuta.

Significa ca a spiranza è tutta 'na cosa co fari.

Mintemu nta pulitica to ie ri tanti ca vi lamintati ri comu vanu i cosi, siti bravi nto riri ma poi lassati fari all'autri chiddu ca putissuru fari vuavutri.

Nun mussiari, u sacciu ca a tia r i pulitica nu' si nna parrari, si gnwanti o fai u nofiu? Statti zzittu e lassimi cuntinuari.

Intantu quannu si rici Pulitica ca P maiuscula ta stari calmu picchi è propria chissà a basi principali ri tutti l'attività nto munnu.

È a cosa e 'avissa riulari i riscossioni, i pinsati, macari a to mussiata iavi 'n significatu puliticu.

Supira ss i funnamenti a statu custruitu chiddu ca chiamati, sbrurannivi, a civiltà occidentali.

Purtroppu, chiddu ca in senza ideali avissa iessiri, nu ' gnè, propriu picchi l'omini ca si rici ri bona voluntà, o picchi penzunu ri putirisi angrasciari, o picchi sunu 'mppignati a fari iautri cosi, o picchi nu ' si sentunu adatti, mannunu l'autri a pigghiari i decisioni ppi tutti.

Ora tu nu ' ta scuddari ca ognarunu runu chiddu ca iavi e ogni populu iavi u guvennu ca si merita.

Quannu si usa a parola cultura nun si voli riri ca si sapi leggiri e scriviri e si sanu tanti cosa ma a cultura ri 'npopulu è tuttu l'insemi ri comu vivunu e si cumpottunu, pecciò nu' ccè ri maravigghiarisi se chiddi ca mannati a mministrari sunu u duri duri ra sammaturina, chiari e limpidi comu l'acqua re maccarruna.

Rici ca nun gne accussì? Bedda facci scagghiata ca iai, prima penzi na cosa e ora nau-tra. Pi cetti versi è veru, ti voiu rari raggiuni, tanti vulissunu fari cocchi cosa ma nu' trovunu pussibilità pi tanti mutivi. Chi cosa? Propria iù ca nascii cu l'omini e sugnu u megghiu rialu e 'avissurupututu aviri! Baddasciu scrianzato ca nu' si iautru. Chi cuppa nnaiu iù se nu ' tutti mi ceccunu mentri sunu picciotti e s'attaccunu a mia sulu nto mumentu ri l'ultimu ciatu, quannu capisciunu ca stanu jttannu sangu? Senti senti, sunu propriu i partiti c'avissanajessiri upostu unni iù rinasciu ogni mumentu, uprimu passo ra democrazia, se nun avissunu divintatu succursali ri l'ufficiu ri collocamentu e machinetti automatici ri bullini bblù, ianchi, russi, a culuri ri cani ca curri, a sacunnu ri quali patti stanu. 'Na cetta virità ccè nta chiddu ca rici, 'nssùnu omini comu ali 'autri, chi voi i patti sunu 'na bedda cosa ma l'omini sunu nautra cosa. Si rici niuru cu iavi bisogno e ufocu unni cari abbrucia. Tanta povira genti cerca r'abbrancicarisi comu megghiu pò pi ghinghiri u pialtu refigghi e pecciò uprimu ca ti fa 'na prumissa è u mannatu ra misericordia ri turnu.

Nun gnè dimocrazia chissà, mi sta nccùsannu ca sugnu antidemocratica? A! mi pareva! chi dici? A facci ro cavulu, nenti nenti ca vulissutu 'nsegnari a mia chi cosa è a dimocrazia?

Nun gnè ca ora, per casti, tu vulissutu sparari ammenza afudda a lupara unni ammisca ammisca?

Nu' ci pò rari a cuppa a cu mischinu, cu tanta bona voluntà circassi r i fari cocchi cosa pi cangiari u to paisi ca pari rassegnatu a tirari a compari e quannu coccarunu vulissi fari cocchi cosa nu ' trova iautru ca tinti mmiriusi ca nenti vonufari e nenti vonu cafa-nu lautri, comu 'n cani ri ucceri, ca papiru papiru nu ' mangia iddu e affuta a cu s'azzarda a tuccharici l'ossu. Ma poi vulissi sapiri ri chi cosa ti lamenti? U pararisu o è r accussì o ci assimigghia. Campati nta paci ri l'angilupà libirtà ca t'arrivatu a truva-ri, libiri comu l'aria ca respirati ca è chidda

re scarichi ri ogni fabbrica, re machini, e ri tutti lautri attività ca liberamenti jettunu chiddu ca vonu, nu' gne cuppa ri iddi se vuiatru stati docu, ognunu è libiru ri stari unni voli e respirari chiddu ca trova. Senza nuddu obbligu, ca machina vifimmati unni vuliti, ri rittu ri traverso, nta prima nta sa-cunna o terza fila, avogghia so e a facci ri cu apassari, gne libiru ri caminari a destra a sinistra supira a banchina, unni voli, tantu docu nu ' ci passa nta testa a nuddu ri cuntrullarlu. Unu è libiru ri scaricari zoccu voli, comu voli e quannu voli, frigoriferi vecchi, lavabiancherii sfasciati, mobili, seggi, spazzatura, tutti l'anguli sunu boni, cu l'approvazioni vostra e ri l'autorità ca, anzi, se nu' cifussunu ss i così, comufacissi a mministrari bonu i soddi ca pajati pa spazzatura? Nto riciclu a propositu siti mastri, a munnizza, invece ri puttalla tutta nto depositu, a picca a picca a spattiti nta tutti i strati accussi a vostra innata ìnduli ri condivisioni viene surrisfatta, tutti ni putiti godiri a piadmentu. A propositu ri condivisioni i soddi nu ' vi mancunu mai, cu nnavi assai i leni dipositati a banca senza scilli pi nu ' forici pigghiari friscu, cu nnavi picca, nu ' ccè bisognu ca va a banca basta iri vicinu ali"ufficiu postali e trova pinstonati ca spattunu soddi, "CO SCIPPU" e a voti rununu travagghiu macari o spitali unni vanu a forisi curari dopu e caruti. Sempripi condivisioni docu siti i primi, mischinu, cu iavi bisognu, basta ca u ddumanna e ognarunu nesci tantu o misi o a simana, comu nu stipendiu o pinsioni, sulu ca docu u chiamati "pizzu". Diversu è invece chiddu ca rati o posteggiatori abusivu picchi è volontarii* ca vi talia a machina accusai nuddu vi taghict i cupit-tuna, mancu iddii.

Docu Pannello avìssi vogghia rì morir i, picchi tutti vifaciti i fatti vostri, u cuttigghiu nu' vi piaci, i chiacchiri su chiacchiri e apattruna i casa voli i picciuli. Chi vinissi a fari? Nun ccè bisognu ri sciopiro pi morire i fami ci penza cu amministra a/allupi vuia-tri. Tantu vi vonu beni ca ri travagghiu nu ' niparrunu e nu ' ni vonu sapiri, pi nu 'farivi sur ari o stancar ivi facennu cocchi cosa. A maggior parti infatti sunu dutturì capi cura vi ordinanti riposu assoluto, passiatu longhi pi tinirivi in linia. A saluti è saluti u mangiari assai fa mali e pi chissufanu 'n modu ca i prezzi aumentunu accussi i stissi picca sodai ca circolunu i risparmiati. Tantu vi vonu beni ca pi evitari ca coccarunu putissi rischiari r'affaticarisi troppufacennu i cosi ca sapifari u mettunu ntoposto completamenti sbagghiatu, a voti senza vuliri anzettunu e mischini vuiatri ca aviti 'n serviziu giustu. Tantu sunu preoccupati pa vostra gioventù, specialmenti pe figghirii'amici, ca a na criatu tanti posti regionali unni ddu picca ca s'avissajfari ufanufari all'antri e pi chissu nta tutti ssi posti viri tanti pìrsuni ca si realizzunu spassiannisilla. Nta l'autri regioni invece mischini i poviri figghi i mattri sunu obbligati a travagghiaru tutti i santi jonna mentri ddocu ssiti distretti a ripusarivi tutta a simana compresi sabato, ruminica e tutti ifesti i l'annu, compresi chiddi terribili. Nu ' parramu ri l'amuri caviti pe cosi antichi, ro rispettu ra mimoria ropassatu, ra tradizioni. Nuddu capo'tuccari i munumen-ti, picchi giustamenti, dda scoccia co tempu a lassatu, cafa arrizzari i canni "ro tettu", pi l'umidità, se tuccati putissunu ruvinari a puisia, cuntintativi ri virilli accussi, anzi megghiu, caruti parunu chiù antichi.

Docu vi vuliti beni coma frati e som comu veramenti avissa iessiri nta tuttu u munnu e vi nesci ro cori a cuntintizza quannu viriti godiri lautri macari ca nu ' supputati ca sunu megghiu ri vuiautri. Morti to vita mia è vangelu ri Diu. Apropositu circula 'na storiella tra i to paisani.

Veramenti iù a seppi ri 'nu bravu picciotto, 'n clienti miu qffizionatu, timuratu ri Diu, unu ri ddì cristiani ca sapeva ri putirisi angrasciari ma a circatu u stissu ri rarisi ver-su pi fari cosi boni, ricemu unu re tanti ri bona voluntà ca circolunu ddocu. A iddu ci vinni cuntata ri unu ca è mastro nto jocu re fri catti ca ri sautafossa si nni 'ntendi, comu riri 'n Michelangiulu, ca re 'mbrogghi cafici nta vita si putissi scriviri 'n romanzu, 'npattri rifamigghia, 'ntrinsicu cu tuttu u duri duri ra sammaturina ca ti rissi prima.

U cuntu parrà ri 'n suffiziu nustrali ca ri casa stava vicinu a 'n dumi ri iacqua frisca. Chistu nu ' aveva ri chi lamintarisi, salamallicchi e sirinati ri cu ie gghè, mangiari ri prima scelta, iacqua frisca e vimmiceddipi cuntornu ogni santujonnu. Sa vòfattu 'na tana cu giardinu e vista panoramica nta riva ro dumi. L'unicu pinseri so iera r'abbuffarisi e stari stinnicchiatu o suli nto giardino ra so tana-villa. Nu' aveva paci però, virennu ca l'autri paisani si ravunu da fari drcannu ri mi-gliorarisi. Aveva mmiria specialmenti re rarunchi ca libiri s'addivittevunu a natari passannu rì 'na riva ali 'autra ro dumi e repassaredda ca abbulavunu libiri nta l'aria. Iddu a vò statu sempri attaccatu a robba ro sofeudu, rreera rifamigghia nobili ri antica disdnnenza.

Tanta iera a mmiria ca vosi pruvari a natari senza riniscirici, anzi si stava anniannu a menzu ali 'acqua. Macari iddu avissa vultu pruvari a cuntintizza ca sinteva e vireva e ' avevunu lautri animaluzzi.

Prima ri moriri sa vò fissatu ri rinesciri a fari chiddu ca facevunu lautri, cuntenti e jabbati, ri du picca caputevunu aviri, a dispettu ri iddu, riccu cavallacciu.

Dopu tantupimari cu 'na faccia piatusa ri buttano 'n soddu, addumannò a una re ra-runchi ri puttallu supira a schina finn ali "autra patti ro dumi. A rarunchia, ca canu-sceva i so paisani, scantata ci rissi: "chi ssi pazzu ca iù ti fazzu acchianari supira a schina mia, appena ti vegnu a tiru tu mmi muzzichi "? No, ca nun ti muzzicu, ciprumisii u suffiziu, pifavuri, fammillu passari stupiacirì, ti giuru supira a bonamma ri mapat-tri ca nu ' ti muzzicu.

Tantu fici ca rinisciù a cunvinciri a rarunchia ca fmalmenti u fici chianari supira a schina ricennicci ri tinirisi forti. Stavunu arrivannu nta l'autra riva quannu u suffiziu nun putennu chiù cuntrullarì a so natura, u lupu peddi u pilu ma no u vizio, muzzicò nto coddu, cu tutta a forza e u vilenu ca aveva ri rintra, a povira rarunchia. Chista, mentri stava murennu, girannisi versu o suffiziu ci rissi: "u sapeva ca ri tia nu ' mi pu-tevafidari, tintu ierutu e tintu arristasti, ma ora, nu' mori macari tu"? È veru rispun-niu u suffiziu ma tu ti scuddasti ca iù sugnu 'n suffiziu nustrali e mi cuntentu ri moriri anniatu chiuttostu ca viriri a vuiautrifari cocchi cosa ca iù nu ' sacciu e nu ' pozzufari. Parabula significat tarantula

ballerina, comu si riceva 'na vota. Se a mmiriafussì vaddira tutti forruvu vaddarusi. Ma chista è cosa ri nautru paisi, nto to, siti nautra cosa, s' fa pi diri!

Ppitipì- ppitipì- ppitipì- bum ppitipì ppitipì bum—Aouu e chi è sta tamburiata?

Chi riturnaru i banniatu ri comu 'na vota? Tu ri ddi quannu u banniatu strati srtati abbanniava: " cu a truvatu 'n portafogghiu e vui autri picciriddi a coru ci ricevuru-"Ciatupersu, ciatupersu", mi staparennu accussi, sintemu chi voli chissu. Sintiti, sintiti, pi ordini ro putenti cumannanti 'n prima ri stu paisi! Ppitipì—ppitipì— -iè fattu obbligu a cu 'ncuntrassi SPIRANZA, ppitipì— ri prisintarisi apalazzu, ppitipì— ppitipì—ppitipì. Mizzica a mia cercunu, fmalmenti coccarunu s'arruspigghiatu e mi cerca. Ppitipì—ppitipì— ppitipì. Cu e gghè ca avissa truvati SPIRANZA e savissa teniri, è cunnannatu a vita a suspirari spirannu, sulu senza i autru aiutu ri nuddu. Ppitipì, ppitipì ppitipì. Idda sa fa cu GIUSTIZIA e tuttu rui sunu BANDITI ri stu paisi ca voli stari accussi com 'è! Chistu a dicisu u cunsigghiu supremu! Ma chi ssù pazzi chisti, iù, SPIRANZA, nu ' pozzu moriri!

Siracusa 17.06.2002